

LEWALITABA

Leselinyana la Lekhotla la Taolo ea Motlakase le Metsi Lesotho

TSE KA SEHLOOHONG

Liphutheho tsa sechaba Butha-Buthe, Leribe le Berea li seka-seka phano ea litsebetso - **LEQEPHENG LA 3**



HAPE KA HARE...

6 Methati ea LEWA ea tharollo ea litsetlebo tsa basebelisi

9 Lekala la Matla le keteka khoeli ea mosali oa Mo-Africa

12 Letefiso tse ananetsoeng tsa motlakase, metsi le likhoere-khoere

Mathata a **metsi kapa **motlakase**?**
Pele, teka tletlebo ea hau
ho LEC kapa WASCO e le hore...

**Bothata bo
Rarololloe**

*Basebelisi ba litšebeletso tsa **LEC** le **WASCO**
ba ka teka **litletlebo tsa bona LEWA** kamora moo.*

*O mong oa mesebetsi ea Lekhotla ke ho rarolla litletlebo tsa bona ka litšebeletso
tseo ba li fuoang ke litsi K'hamphani ea Motlakase Lesotho (LEC) kapa K'hamphani
ea Metsi le Likhoerekhoere (WASCO)- ha feela li sa rarolloa ke litsi tseo.*



*Ho fumana tlhakisetso e felletseng, ikopanye le rona:
Lesotho Electricity and Water Authority, 7th Floor, Moposo House, Kingsway, Maseru, Lesotho
Tel: +266 22 312479 • Fax: +266 22 315094 • Email: secretary@lewa.org.ls*



LEWALITABA

LEKHOTLA
LA TAOLo EA
MOTLAKASE LE METSI

7 Floor, Moposo House, Kingsway
Private Bag A315 • Maseru
Maseru • Lesotho
Tel: +266 22312479
Fax: +266 22315094
E-mail: secretary@lewa.org.ls
Website: www.lewa.org.ls

MOOKAMELI
Ntoi Rapapa
Email: nrapapa@lewa.org.ls

**MOOKAMELI OA LEFAPHA LA
LITABA TSA SECHABA**
Shao Khatala
Email: skhatala@lewa.org.ls

OFISIRI EA LITABA TSA SECHABA
Kuenta Chele
Email: kchele@lewa.org.ls

LEWA LITABA ke leselinyana la Lekhotla la Taolo ea Motlakase le Metsi. Le hatisoa ka Senyesemane le Sesotho. Le fuoa batho bohle ba nang le thahasello litabeng tsa Lekhotla.

Maikutlo a hlahang leselinyaneng ha se a Lekhotla. Lipapatso tse hlahang ka ho lona ha se tse supang maikutlo a Lekhotla.

Litaba tse hlahang ka ho lona li ka hatisoa ntle le tefello ha feela ho ngoloa hore li tsoa ho LEWA LITABA. Re ipiletsa hore batho ba elelloe hore ho nka nakoana ho etsetsa, ho tlosa le ho etsa liphetofo lethathamong la batho ba fumanang LEWA LITABA.

Boqapi © LEWALITABA 2016

TSE KA HARE

MOLAETSA OA MOOKAMELI

Basebelisi ba motlakase le ba metsi ba hlahisa litletlebo tsa bona 2

LIPHUTHEHO TSA SECHABA

Liphutheho tsa sechaba Butha-Buthe, Leribe le Berea 3

LIPEHELO TSA LITŠEBELETso TSA METSI LITEROPONG

Lipehelo tsa ho khaoloa ha phephelo ea metsi literopong 5

THAROLLO EA LITLETLEBO

Methati ea LEWA ea tharollo ea litletlebo tsa basebelisi 6

BOITŠIRELETso KHAHLANONG LE MOTLAKASE

Malebela a boitšireletso khahlanong le motlakase 7

MOSALI OA MO-AFRIKA

Lekala la Matla le Bolepi le keteka khoeli ea mosali oa Mo-Afrika 8

HO KENA LIPAKENG

HO kena lipakeng e le mokhoa o mong oa ho rarolla litletlebo 11

LITEFISO TSE NCHA TSE ANANETsoENG

Litefiso tse ncha tsa motlakase, metsi le likhoere-khoore 12

TSE KA HARE



Basebelisi ba motlakase le ba metsi ba hlahisa litletlebo tsa bona mabapi le ho khaoloa ha litšebeletso

Lekhotla la Taolo ea Motlakase le Metsi Lesotho (LEWA) le ile la tšoara liphutheho tsa ba nang le kobo ea bohali Butha-Buthe, Leribe le Berea ka la 20, 21 le la 22 Phupu, 2016 ka tatellano moo le neng le seka-seka boemo ba litšebeletso tseo e li laolang ka kakaretso.

Ho latela Lipehelo tsa Boleng ba Litšebeletso tsa Phepelo ea Motlakase, Metsi le Likhoere-khoere (QoSSS), litšebeletso tsa phepelo ea metsi li ka khaoloa ke k'hamphani e fanang ka litšebeletso tsena eleng K'hamphani ea Metsi le Likhoere-khoere (WASCO). Kahoo basebelisi ba metsi le likhoere-khoere le ba nang le kobo ea bohali ba hlokomelisoa ka taba ena.

Basebelisi ba motlakase le ba metsi ba ka ratang ho hlahisa litletlebo tsa bona mabapi le ho khaoloa ha litšebeletso tsa motlakase, metsi le/kapa likhoere-khoere ba ka lebisa litletlebo tse joalo ka mongolo ho K'hamphani ea Lesotho ea Motlakase (LEC) kapa K'hamphani ea Metsi le Likhoere-khoere (WASCO) e le ho fumana tharollo pele ba ka li fetisetsa LEWA. Tokelo ena ea basebelisi e boetse e hlahisitsoe leselinyaneng lena.

E le tsela e 'ngoe ea ho netefatsa tšebeliso ea motlakase ka hlokolosi, basebelisi ba motlakase ba khotlaletsoa ho sebelisa malebela a boitšireletso khahlanong le motlakase malapeng a bona e le mokhoa oa bophelo ba bona ba letsatsi le letsatsi.

LEWA e ile ea e-ba le seabo ketekelong ea Khoeli ea Mosali oa Mo-Africa ka la 31 Phato 2016, hoteleng ea Avani Lesotho e neng e hlophisitsoe ke Lekala la Matla le Bolepi moo, Mohlomphehi Letona Selibe Mochoboroane MP a ileng a fana ka puo ea sehlooho. Basali ba sebetsang LEWA le bona ba ile ba fumana khau.

Re ile ra boela ra bua hanyenyane ka 'Moka le Phutheho e Akaretsang ea Selema le Selema ea leshome le metso e meraro ea 'Mamekhatlo oa Litsi tsa Taolo ea Motlakase Tikolohong e ka Boroa ho Africa (RERA) tse tlang ho tšoaroa ho tloha ka la 07 - 11 Pulungoana, 2016 Maseru, Lesotho

Assoc. Prof. Ntoi Rapapa
Mookameli



For comments or questions in respect of the contents of this newsletter or LEWA in general, please secretary@lewa.org.ls





Liphutheho tsa sechaba tsa Butha-Buthe, Leribe le Berea li seka-seka phano ea litšebeletso

Lekhotla la Taolo ea Motlakase le Metsi Lesotho (LEWA) le tsoetse pele ho kena matšolong a ho kopana le lihlopha tse fapaneng tsa ba nang le kobo ea bohali litererekeng tse fapaneng. Hona ho entsoe ka sepheo sa ho tsoela pele ho hlokomelisa sechaba ka litaba tse amanang le mekhoe ea taolo, le ho fana ka likarabo ho basebelisi ba metsi le motlakase ba ileng ba fana ka maikutlo a bona ha ho ne ho tekoa methati ea litefiso tse ncha tsa litšebeletso tsa motlakase, metsi le likhoere-khoere ho latela maikutlo ao ba neng ba fane ka oona methating e latetsoeng ha ho tekoa litefiso tsa litšebeletso.

Ke ka lebaka lena Lekhotla le ileng la tsoara liphutheho le ba nang le kobo ea bohali Butha-Buthe, Leribe le Berea ka la 20, 21 le la 22 Phupu, 2016 ka tatellano.

Liphutheho tsohle li ne li kenetsoe ke lihlopha tsa ba nang le kobo ea bohali joaloka marena, baphatlalatsi ba litaba, bahlanka ba 'muso, bahoebi, baemeli ba Makhotla a Metse le a Litereke, lihlopha tsa bahoebi, sechaba ka kakaretso, baemeli ba K'hamphani ea

Lesotho ea Motlakase (LEC) le ba K'hamphani ea Metsi le Likhoere-khoere (WASCO), le Babusi ba Litereke. Liphuthehong tsena kaofela, Lekhotla le ne le emetsoe ke Mofumahali 'Machabalala Koatsa, Ofisiri ea Litaba tsa Baji.

Ho bohlokoa ho bontša hore ba nang le kobo ea bohali litererekeng tsena tse tharo tse neng li etetsoe ba ne ba na le maikutlo a tsoanang mabapi le litšebeletso tseo ba li fumanang ho tsoa ho K'hamphani ea Lesotho ea Motlakase (LEC) le K'hamphani ea Metsi le Likhoere-khoere (WASCO). Kantle ho mona, setereke ka seng se bile le liqholotso le litebello tsa sona ho ipapisitsoe le maemo a ikhethileng a sona.

Liphuthehong tsena, LEWA e ile ea thoholetsoa ka ho nka boikhathatso ba ho ikopanya le ba nang le kobo ea bohali khafetsa. Monghali Lehlohonolo Qhasho, eo eleng 'Musi oa Setereke sa Butha-Buthe, o ile a akaretsa ka ho bontša hore sechaba se ananela boikarabelo ba Lekhotla ka ho kenella sechabeng ho bohle ba nang le kobo ea bohali.

Sechaba sa Leribe se buisana le e mong oa basebetsi ba WASCO ka phano ea litšebeletso





LIPHUTHEHO LITEREKENG

"LEWA e lokela ho koptjoa ho tsoela pele ho hlokomelisa sechaba ka likhato tseo e li nkang hobane hona ho tlišitse phetoho litabeng tsa ponaletso ha basebelisi ba metsi le motlakase ba lula ba fuoa litaba tse ba amang," Monghali Qasho a rialo.

Re ntse re le ntlheng eo ea ho arolelana litaba, o kopile moemeli oa Lefapha la Phano ea Motlakase Metseng (REU) ea neng a le teng thupelong, 'me a hatella hore setsi sa REU se lokela ho beha sechaba leseling khafetsa ka litaba tsa motlakase le ka boikopanyo ba sechaba mabapi le motlakase.

Nakong eo ho neng ho etetsoe litereke tsena tse tharo tse ka leboea, Lekhotla le ile la hlalosa thomo ea lona hape la tsoela pele ho hlalosa methati e lateloang ha ho etsoa qeto holim'a litefiso le mabaka a neng a shebiloe ha ho etsoa qeto holim'a kananelo ea litefiso tsa selemo sa lichelete sa 2016-2017. Ho feta mona, Lekhotla le ile la tsebisa ba nang le kobo ea bohali ka litokelo le boikarabelo ba bona mabapi le phano ea litšebeliso. Methati e lateloang ha ho sebetsanoa le litletlebo mabapi le lik'hamphani tse laoloang ke eona e ile ea hlalosa molemong oa ba amehang.

Ba amehang Berea le Butha-Buthe ba ne ba na le maikutlo a hore K'hamphani ea Metsi le Likhoere-khoere (WASCO) e fana ka likhakanyo tse holimo haholo tsa ho hokela metsi ho feta hoo e leng hona. Basebelisi ba metsi ba kopile hore WASCO e ba lumelle ho ithekela thepa ea khokelo ea metsi. WASCO e ile ea araba ka hore khotlaletso ena ha ba e amohele hobane kantle le theko ea thepa ea ho hokela metsi, ho na le litjeo tse ling tse kenyeletsang har'a tse ling litjeo tsa matsoho ha ho hokeloa metsi.

Bahoebi ba Leribe ba ne ba tšoentsoe ke hore ha ba ka ba ba hlokomelisoa ka ho khaoloa ha metsi, 'me hoo ho entse hore ba lahleheloe ke khoebo ka lebaka la tšitiso eo ea khaolo ea litšebeliso. Lekhotla le bontšitse hore ho na le Lipehelo tsa Boleng ba Litšebeliso tsa Phepelo ea Motlakase, Metsi le Likhoere-khoere (QoSSS) tse lokelang ho eloa hloko ke lik'hamphani tsa phano ea litšebeliso. WASCO e ile ea kopa tšoarelo ka tšitiso eo, ea ba ea itlama hore kamoso e tla ntlafatsa litšebeliso tsa eona.

Ka kakaretso, literekeng tsena tse tharo, ho bile le ngongoreho holim'a litaba tsa hore na thepa ea motlakase le metsi e joaloka limithara tsa metsi le lipalo tsa motlakase e ikarabella ho mang. Basebelisi ba motlakase le ba metsi literekeng tsena, ba ne ba na le maikutlo a hore ha ba qeta ho lefella khokelo, e-ba thepa e se e le boikarabelong ba bona. WASCO e ile ea araba ka hore basebelisi ba lefella phano ea litšebeliso eseng thepa e sebelisoang, ke ka lebaka leo ha ho e-na le thepa e hlohang ho lokisoa kapa ho kenngoa bocha e tla ba k'hamphani e etsang joalo.

Ngongoreho e 'ngoe e akaretsang e ne e le hore WASCO ha e lokise lipeipi tsa metsi tse phahlohang khafetsa ka nako, 'me sechaba se lumela hore ke kahoo se lefang litjeo tse holimo kaha metsi a mangata a lahleha empa a sa lefelloa. WASCO e bontšitse hore palo ea basebetsi ea bona e ea fokola 'me e etsa sohle se matleng a eona ho lokisa lipeipi tse phahlohang khafetsa. WASCO ea boela ea ipiletsa ho basebelisi ba metsi ho tlaheha bothata hang-hang e le hore ho lokisoa bothata bo joalo ka nako. Lekhotla le tsoetse pele ho bontša hore thepa ea WASCO e 'ngoe e se e tsofetse ke kahoo ho bang le ho phahloha ha lipeipi khafetsa libakeng tse ling. Ka lebaka leo, ho ntse ho hlalojoa thepa ea WASCO, 'me liphuputso le likhothaletso li tla tsebisoa WASCO e le hore e nke likhato le ho lokisa maemo ana a sa khotsofatseng.

Ngongoreho e 'ngoe ea ho qetela literekeng tsena ke hore na lik'hamphani tse fanang ka litšebeliso, na li tla 'ne li fihlele maemo a ho fana ka litšebeliso tsa boleng bo holimo kamoo ho lebelletsoeng kateng ke LEWA ha e le mona e sa ananela lipheresente tsa linoko tseo lik'hamphani li neng li li kopile. Lik'hamphani li bontšitse hore ba tla 'ne ba sebetse ka thata ho ntlafatsa phano ea litšebeliso, leha e le mona merero e meng ea selemo sena sa lichelete ho ka ba thata ho e fihlela.

Liphutheho li ne li bulehile bakeng la karolelano ea maikutlo hape li ne li le bohlokoa haholo. Lekhotla le ile la fuoa monyetla oa ho shebisisa litšebeliso tse fanoang literekeng tsohle, 'me ho ile ha fumanoa hore ho ntse ho e-na le tlhokahalo ea ho ntlafatsa phano ea litšebeliso ■



Lipehelo tsa ho khaoloa ha litšebeletso tsa phepelo ea metsi le likhoere-khoere literopong

Ho ipapisitsoe le Lipehelo tsa Boleng ba Litšebeletso tsa Phepelo ea Metsi le Likhoere-khoere (QoSSS), litšebeletso tsa phepelo ea metsi li ka khaoloa ke K'hamphani ea Metsi le Likhoere-khoere (WASCO) ho latela mabaka a fapaneng a kenyeletsang a latelang:

- Ho se lefelloe ha mekoloto ea metsi; le/kapa
- Ho kena-kenana le khokelo ea metsi kapa likhokelo tse seng molaong.

Maemo le methati eo WASCO e lokelang ho e latela ha e khaola le ho hokela bocha phepelo ea metsi li bontšitsoe tafolaneng e katlaase:

Lipehelo tsa ho Khaola Phepelo ea Metsi Literopong	
(Mithara o Lefelloang Khoeli le Khoeli)	
Ho se Lefelloe ha Mekoloto ea Metsi	Ho Kena-Kenana le Khokelo Kapa Khokelo e Seng Molaong
Ho khaoloa ha metsi ho lokela hore ho etsoe bonyane matsatsi a leshome kamor'a ho tlholeho ea ho lefa mekoloto.	Ho khaoloa ha metsi ho lokela ho etsoa ho se therisano hang ha ho tsebahetse ka netefaletso ea hore ho bile le khokelo e seng molaong kapa ho kena-kenana le khokelo e joalo ea metsi.
WASCO e lokela e fe basebelisi ba metsi tlhokomeliso e ngotsoeng ea matsatsi a mabeli pele e khaola phepelo ea metsi.	
Khaolo ea khokelo ea metsi e lokela ho etsoa lihoreng tsa hoseng e le ho fana ka monyetla oa hore ho tle ho be le nako ea khokelo-bocha.	
Khaolo ea khokelo ea metsi ha e-ea lokela ho etsoa mafelong a beke, (Moqebelo, Sontaha), ka matsatsi a phomolo le ka Labohlano.	
Khokelo-Bocha	
Khokelo-bocha e tla etsoa nakong e sa feteng letsatsi kamora' hore mekoloto o pataloe kaofela le ho lefelloa ha khokelo-bocha.	Khokelo-bocha e tla etsoa nakong e sa feteng letsatsi kamora' hore mekoloto o pataloe kaofela le ho lefelloa ha khokelo-bocha.

Lipehelo tsa ho Khaola Khokelo ea Likhoere-Khoere	
Ho se Lefelle Mekoloto oa Likhoere-Khoere	Ho Kena-Kenana le Khokelo Kapa Khokelo e Seng Molaong
Ho khaoloa ha phepelo ea metsi ho lokela ho etsoa kante ho tsebiso ea letho.	Ho khaoloa ha phepelo ea metsi ho lokela ho etsoa kante ho tsebiso ea letho.
Mosebelisi o lokeloa hore a fuoe matsatsi a mahlano pele ho koaloa peipi ea likhoere-khoere.	
Khokelo ea likhoere-khoere e lokela ho koaloa haeba ha ho khaotsoe phepelo ea metsi mosebelisi a ntse a tsoela pele ho sebelisa peipi ea likhoere-khoere.	
Khaolo ea litšebeletso tsa likhoere-khoere ha e-ea lokela ho etsoa mafelong a beke (Moqebelo), ka matsatsi a phomolo le ka Labohlano.	
Khokelo-Bocha	
Khokelo-bocha e lokela ho etsoa nakong ea matsatsi a mabeli a tšebetso kamora hore ho lefuoe mekoloto eohle e hlokehang ebile ho entsoe litokiso tsohle moo ho neng ho senyehile 'me tsohle li le maemong a nepahetseng.	Khokelo-bocha e lokela ho etsoa nakong ea matsatsi a mabeli a tšebetso kamora hore ho lefuoe mekoloto eohle e hlokehang ebile ho entsoe litokiso tsohle moo ho neng ho senyehile 'me tsohle li le maemong a nepahetseng.
<ul style="list-style-type: none">• Khokelo-bocha moo ho neng ho khaotsoe khokelo ka phoso e lokela ho etsoa lihore tse robeli kamora' hore phoso e joalo e tlalehoe e etsahetse.• Basebelisi bohle ba khotahetsoa ho lefa mekoloto ea bona ka nako le ho qoba ho kena-kenana le kapa ho hokela kathoko ho molao.	

Methati ea LEWA ea tharollo ea litletlebo tsa basebelisi

Basebelisi ba batlang ho tletleba ka litaba tsa ho khaoloa ha litšebeliso tsa motlakase, metsi le/kapa likhoere-khoere ba ka isa tletlebo tse joalo ka mongolo k'hamphaning ea Lesotho ea Motlakase (LEC) kapa ho ea Metsi le Likhoere-khoere (WASCO) sebakeng sa tharollo.

Moo basebelisi ba sa khotsofatsoang ke tharollo eo ba e filoeng kapa moo ba sa fumanang tharollo ho hang, litletlebo tse joalo li tla fetisetsoa ho LEWA ka mongolo hore e kene lipakeng.

Litletlebo tse fetisetsoang LEWA li lokela hore e be li ile tsa latela methati e molaong ea litletlebo. Eona ke e latelang:

- E le mothati oa pele, mosebelisi o lokela hore a be a ile a beha tletlebo ea hae kapel'a LEC kapa WASCO hore e sebetsoe. Ho khotsofetsoa hore tletlebo e etsoe ka mongolo.

- Ekaba tletlebo e sa sebetsoang ho hang kapa molli a sa khotsofalla qeto e entsoeng ke LEC kapa WASCO; le
- Taba eo molli a tletlebang ka eona e lokela ho ba e amanang le litšebeliso tse fanoang ke lik'hamphani tse laoloang ke LEWA.

Lipehelo tsa ho fana ka Litšebeliso tsa Metsi le Likhoere-khoere literopong

Tokomane ea Liphelelo tsa Boleng ba Litšebeliso tsa Phepele ea Metsi le Likhoere-khoere (QoSSS) e hlakisitse maemo a litšebeliso ao WASCO e lokelang ho ikamahanya le 'ona ha e fana ka litšebeliso ho basebelisi 'me li bontšitsoe katlaase mona:

Tokomane ena e ka fumaneha liofising tsa LEWA ka kopo e joalo kapa ho marang-rang a LEWA leqepheng la: www.lewa.org.ls.

Lipehelo tsa Khaolo ea Phepele ea Metsi		
Khokelo ea Tšebeliso	Nako ea ho fana ka likhakanyo	Nako e behiloeng ea ho phetheloa ha khokelo
Phepele ea Metsi Literopong	Nako ea matsatsi a 6 a tšebetso moo phepele e hlokalahalang e leng sebaka sa limithara tse 150 ho tloha moo ho seng ho ntse ho na le marang-rang a khokelo.	Nako ea matsatsi a 10 a tšebetso moo phepele e leng sebaka sa limithara tse 150 ho tloha moo ho seng ho ntse ho na le marang-rang a khokelo.
	Nako ea matsatsi a 10 a tšebetso moo khokelo e leng lipakeng tsa sebaka sa limithara tse 150 le tse 1000 ho tloha moo ho seng ho ntse ho na le marang-rang a khokelo.	Nako ea matsatsi a 30 a tšebetso moo phepele e leng lipakeng tsa limithara tse 150 le tse 1000 ho tloha moo ho seng ho ntse ho na le marang-rang a khokelo.
Litšebeliso tsa Likhoere-khoere	Nako ea matsatsi a 6 a tšebetso moo khokelo e leng kahar'a sebaka sa limithara tse 90 moo khokelo e seng e ntse e le teng.	Nako ea matsatsi a 15 a tšebetso moo phepele e leng kahar'a sebaka sa limithara tse 90 tsa moo khokelo e seng e ntse e le teng.
	Nako ea matsatsi a 15 a tšebetso moo phepele e hlokalahalang e leng lipakeng tsa sebaka sa limithara tse 90 le tse 500 ho tloha moo ho seng ho ntse ho na le marang-rang a khokelo.	Nako ea matsatsi a 30 a tšebetso moo khokelo e leng ea lifeme/likhoebo tse kholo kapa moo khokelo e leng lipakeng tsa sebaka sa limithara tse 90 le tse 500 ho tloha moo ho seng ho ntse ho na le marang-rang a khokelo.

Malebela a boitšireletso khahlanong le motlakase

Lekhotla la Taolo ea Motlakase le Metsi Lesotho (LEWA) le khothaletsa beng ba malapa ho netefatsa polokeho khahlanong le motlakase malapeng a bona e le mokhoa oa bophelo ba bona ba letsatsi le letsatsi. Ho se bonahale hoa lithapo tsa motlakase ka tlung ea hao ha ho bolele hore ha ua lokela ho ipaballa.

Katlaase mona ke lethathamo la malebela a ka sebelisoang nakong ena ea Selemo le ea Lehlabula:


Tlhokomeliso ka mehala ea motlakase, lipolaka le masobana a khokelo

- Se ke ua hokela mehala e mengata ea thepa ea motlakase thapong e le 'ngoe ea motlakase;
- Behella lithapo tsa motlakase hole le mochoso kapa metsi hoba bobeli ba tsona li ka senya rekere

ea sesireletsi 'me tsa baka mollo;

- Sireletsa masobana a mehala ea motlakase e sa sebelisoeng haholo-holo haeba bana ba banyenyane ba le teng katlung;
- Mehala le lipolaka tse ngata nq'a e le 'ngoe li ka baka kotsi ea mollo ha ho sebelisoa lithapo tsa motlakase tse bulehileng e le khokelo ea moshoelella. Thepa ena e ne e sa rereloa ho sebelisoa ka tsela ena, taba ke hore u inahanele ho etsa khokelo ea motlakase ka tsela e nepahetseng lapeng la hao. Lula u behile lithapo le lipolaka leihlo. Etsa hona kamehla pele u sebelisa thepa ea motlakase. Kenya mehala e mecha moo ho nang le e khaohileng, kapa moo ho nang le rekere e peperaneng;
- Se ke ua mathisa lithapo tsa motlakase katlas'a

Qhobellano ea lithapo tsa motlakase mohloling o le mong e kotsi



Motlakase o kotsi ha o sebelisoa hampe!

Ke 'nete hore **motlakase o bohlokoa haholo maphelong a rona ka kakaretso**. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho
le na le bokirabello ba ho hlokomelisa sechaba ka tšebeliso e mope ea motlakase e ka bakang likotsi.



BOITSIRELETSO KHAHLANONG LE MOTLAKASE

'mete kapa thepa ea lepolanka e boima; hape

- Etsa bonnete ba hore lithapo tsa motlakase thepeng ea hao ha li pooaneng feela kapa ha li'a khaoha habohlasoa.

Mokhoa oa khokelo ea motlakase lapeng la hao

Se ke ua iphapanyetsa litemoso tse latelang e le matšoao a motlakase a ka bakang kotsi:

- Mabone a lerootho, a panya-panyang kapa a tloatloaratsang;
- Lithapo tse chang khafetsa kapa lipolaka tse oang khafetsa;
- Masobana a fanang ka matla a motlakase a sa sebetseng leha ho kentsoe lithapo tse ncha kapa ho tobelitsoe lipolaka;
- Likonopo kapa lithapo tse chesang haholo (li time hang-hang) kapa monko oa ho cha feela ho sa bonahale sesosa;

Ramotlakase ea nang le litokomane tsa molao a ka thusa bakeng sa ho hlahloba le ho rarolla litšupa-kotsi tse na tse bonahalang li ka baka mathata.

Nakong ea ho khaoha ha motlakase

Hore ebe lithapo tsa motlakase li khaohile ha ho bolele hore ha li sa sebetsa. Thapo e 'ngoe le e 'ngoe ea motlakase e leketlileng kapa e hohobang fatše e ntse ekaba le matla le ho ba kotsi hofihlela basebeletsi ba LEC ba e khaola. Lithapo tse leketlileng le tse tletseng hohle li ka baka lefu.


Nakong ea ho khaoha ha motlakase, ho khothaletsoa hore thepa ea motlakase e ntšuo leboteng hobane motlakase o ka khutla o tloatloaretsa, 'me hona ho ka senya thepa ea motlakase. Lisokete li ka imeloa ha motlakase o khutla nakong eo thepa e ntseng e hoketsoe ebile e sa ntšuo leboteng. Siea lebone le le leng le sa tingoa e le hore ho tle ho bonahale ha motlakase o khutlile. Ema metsotsoana e 'maloa u ntan'o hokela lisebelisoa tsa motlakase le thepa ka bonngoe ka tatellano.

Haeba u sebelisa mochini o mong o fehlang matla (generator), ha motlakase o khaohile ho bohlokoa hore ho se be letho le hoketsoeng teng ha u sebelisa. Hona ho tla thibela ho tloatloaretsa ho ka bang teng ho ka senyang mochini o fehlang matla le thepa ea motlakase. Mochini o fehlang matla o tlameha ho sebelisoa kahar'a sebaka se sirelelitsoeng hantle, kantle, moo ho ommeng ho se mongobo.

Le ka mohla u se hokele mochini o fehlang matla o sebetsang ha nakoana thepeng e laolang phallo ea motlakase, lithapo kapa masobana a motlakase. Mochini o fehlang matla o sebelisoang ka nako tsohle o tlameha ho hokeloa ntleng ke ramotlakase ea nang le litokomane tsa molao.

Malebela a akaretsang

- Se ke ua kena-kenana le thepa ea motlakase e hoketsoeng; mohlala o hlakileng ke oa ho kenya thipa ka har'a mochini o omeletsang bohobe nakong eo o ntseng o sebelisoa.
- Se ke oa tšoa thepa ea motlakase e kang mochini o omisang kapa o kutang moriri nakong eo matsoho a hao a leng metsi;
- Se ke ua sebelisa thepa ea motlakase ntle le moo ho hlokalang kapa u sa roala lieta;
- Se ke ua hloella terata e pota-potileng setsi sa motlakase;
- Fofisetsa k'haete ea hao hole le lithapo tsa motlakase;
- Qamaka lithapo tsa motlakase pele u hloa sefate hoba motlakase o ka itšoarella ka lekala oa qetella o fihlile ho uena;
- Ha u fetola lebone la motlakase, etsa bonnete ba hore u timme sokete/ konopo ea motlakase;
- Se ke ua tsamaea u sa roala lieta ha u ntse u sebelisa mochini o kutang mohloa o sebelisang motlakase hape u qobe ho hloekisa kantle kamor'a sefefe; hape
- Se ke ua sebelisa lithapo tsa motlakase tseo masekana a tsona a hlaheletseng kantle.

Malebela ana a ka boela a fumaneha litsing tse fanang ka litšebeliso tsa motlakase le liofising tsa Lekhotla 





Letona la Matla le Bolepi, Monghali Selibe Mochoboroane, le tlotla Basali ba Basotho khoeling ea mo mosali oa Mo-Afrika.

Lekala la Matla le Bolepi le keteka khoeli ea mosali oa Mo-Afrika

Lekhotla la Taolo ea Motlakase le Metsi Lesotho (LEWA) le bile le seabo ketekelong ea khoeli ea mosali oa Mo-Afrika ka la 31 Phato 2016 hoteleng ea Avani Lesotho e neng e hlophisitsoe ke Lekala la Matla le Bolepi.

Sepheo e ne e le ho keteka le ho tlotla basali ba tlang phetoho mafapheng a matla le a pheto-phetoho ea boemo ba leholimo. Mokete o ile oa tlotlisoa ka boteng ba Letona la litaba tsa Matla le Bolepi, Mohlomphehi Selibe Mochoboroane.

Puong ea hae ea sehlooho, Letona Mochoboroane o bontšitse hore o nahana hore basali ba Basotho, haholo-holo Lefapheng la Matla le Bolepi ba lokela ho ananeloa joalokaha 'Musu o ne o ke ke oa fihlella

meoloane ea oona ha e ne e se ka tšehetso ea bona. O tsoetse pele ho supa hore ho nepahetse ho tlotla le ho ananela boiteko bo etsoang ke basali ba Basotho ntlafatsong ea lefapha la matla.

“Kajeno re na le bahale ba rona ba basali ba Basotho, ‘me re bone kamoo ba leng matla ba bile ba na le boikitlaetso kateng tšebetsong. Ha re sheba boemo ba komello ea 1996 le ba hona joale, basali ke bona ba neng ba amehile haholo ke koluoa tsena, empa ba ile ba tseba ho phela le ho sireletsa bana ba bona.” A rialo Monghali Mochoboroane.

Letona la boela la bontša hore sechaba sa Basotho se hloka ho ntlafatsa maphelo a sona litabeng tsa moruo le tsa bophelo ba bona ho fihlella moo eleng

hore maemo a leholimo a joaloka lehloa a ke keng a hlola a nkoa e le tlokotsi, empa a nkoe e le menyetla ea ho hohela bohahlali. Letona le supile hore lehloa le bohlokoa hobane le thusa ho ngobetsa mobu molemong oa temo.

Dr Puleng Matebesi, morupeli ka Sekolong se Seholo sa Sechaba (NUL), o ile a toboketsa hore litaba tsa matla le pheto-phetoho ea boemo ba leholimo li ama basali, kahoo 'Muso o lokela ho ba kenyeletsa ho tloha sethathong ha ho raloa maano a naha a reretsoeng ho shebana le liqholotso lefapheng la matla.

Dr Matebesi o bontšitse hore ntlha ea bohlokoa e lokelang ho batalatsoa ke ea hore ha ho khathaletsehe hore na basali bana ba Basotho ba phela hokae, empa kaofela ha bona ba lokela ho ba le kabelo litabeng tsa matla a hloekileng, a bolokehileng ebile e le a moshoelella.

Mofumahali Ntsoaki Segoete, mosebeletsi oa LEWA, ke e mong oa basali ba amohetseng khau letsatsing leo. Botsamaisi ba Lekhotla bo ananetse maputulo le boitelo ba hae phanong ea litšebeliso, 'me ke kahoo a hloahiloeng e le motho oa bohlokoa ea lokeloang ke ho fumana khau e tlotlang basali □

Motlakase o kotsi ha o sebelisoa hampe!

Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho

le na le bokirabello ba ho hlokomelisa sechaba ka tšebelei so e mope ea motlakase e ka bakang likotsi.



Ho kena lipakeng e le mokhoa o mong oa ho rarolla litletlebo

Lekhotla la Taolo ea Motlakase le Metsi Lesotho (LEWA) le filoe matla ho latela Karolo ea 22 (j) le ea 105 ea Molao oa Lekhotla la Taolo ea Motlakase Lesotho (LEA Act, 2002) o hlomathisitsoeng, ho rarolla litletlebo tsa basebelisi tse sa rarolloang ke bafani ba litšebeletso, eleng K'hamphani ea Lesotho ea Motlakase (LEC) le K'hamphani ea Metsi le Likhoere-khoere (WASCO).

Ho boikarabellong ba Lekhotla ho etsa bonnete ba hore litletlebo li rarolloa ka nako le ka mokhoa o nepahetseng. Ha ho etsoa joalo, lithoko, lithahasello le litokelo tsa ba amehang li tla be li etsoe hloko. Ho fihlela hona, Lekhotla le kena lipakeng har'a tse ling, e le tsela ea ho rarolla litletlebo tsa basebelisi.

Mokhoa ona oa tharollo, LEWA e o fumane e le o nepahetseng hobane lithahasello tsa basebelisi le tsa bafani ba litšebeletso li ka ba tlokotsing 'me li hloka ho sekeheloa tsebe hape le likamano lipakeng tsa mahlakore a amehang li lokela ho baballoa le ho ntlafatsoa.

Bokena-lipakeng bo nkoa e le o mong oa mekhoea ea ho rarolla litletlebo moo mahlakore a amehang (batletlebi le bafani ba litšebeletso) ba kopanang le lehlakore la boraro le sa nkeng lehlakore (LEWA) e le mokhoa oa ho rarolla litletlebo. Lehlakore la boraro le bitsoa mokena-lipakeng. Mosebetsi oa lona ke ho mamela ka

hloko mahlakore ana a mabeli e le ho a thusa hore a utloisise maikutlo a 'ona ka bobeli mabapi le qaka e teng, 'me le thusane ka lipuisano e le ho fihlella tharollo e lokolohileng tletlebong e teng.

Sepheo sa bokena-lipakeng ke ho thusa mahlakore a amehang ho fihlella tharollo ka tsela e hlokanang ntoa lipakeng tsa 'ona. Mokena-lipakeng ha a qobelle qeto efe kapa efe ho mahlakore a amehang, empa o tsamaisa mosebetsi oa ho kena lipakeng ka mokhoa oa ho rarolla tletlebo.

Mokhoa ona oa ho rarolla litletlebo o etsoa kantle ho tefiso ea letho 'me ke kahoo mahlakore a amehang a sa khotlaletsoeng ho sebelisa boemeli ba molao. Ka mokhoa o tsoanang mahlakore a amehang ha a haneloe ho ba le boemeli ba molao.

Maemong ao mahlakore a amehang a fihlelang tharollo e mofuthu, mahlakore a tlangoa ke sephetho sa tumellano, 'me Lekhotla le nka taba eo e fihlile pheletsong.

Ka nako e 'ngoe ho ka etsahala hore mahlakore a amehang a se fihlelle tharollo, 'me maemong a joalo, qaka e ka fetela ho Boto ea Lekhotla hore e etse qeto. Qeto ea boto e tlama litho tse amehang, empa lehlakore lefe kapa lefe le utloang e-ka le hantsoe ke qeto e fihletsoeng, le ka atamela makhotla a molao ho hlahloba-bocha qeto e entsoeng ke Boto □



Litefiso tse ananetsoeng tsa motlakase, metsi le likhoere-khoere literopong tsa 2016/17



Ba bang ba baji ba motlakase 'mokeng oa tlhatlhobo bocha ea litheko tsa motlakase

Lekhotla la Taolo ea Motlakase le Metsi Lesotho (LEWA) le hlokometsa hore kamor'a ho etsa qeto ea litefiso tsa litšebeliso tsa motlakase, metsi le likhoere-khoere literopong ka 2016, ho ntse ho e-na le karolo e'ngoe ea sechaba e ntseng e sa tsebe ka litefiso tsena tse ncha tse ananetsoeng. Ka bokhutšoanyane, ho na le teko e 'ngoe e ntseng e etsoa e le ho tsebisa sechaba ka litefiso tsena.

Ho ipapisitsoe le Karolo ea 24 (3) ea Molao oa Lekhotla la Taolo ea Motlakase Lesotho, LEA oa 2002, o hlomathisitsoeng ho ipapisitsoe le litaba tse teng le manollo ea likopo tsa litefiso tsa LEC le WASCO ea 2016/17, maikutlo a ba nang le kobo ea bohali, mabaka, lintlha le bopaki bo fanoeng, Lekhotla le fihletse liqeto tse latelang:

Litefiso tsa LEC ho tloha ka la 01 Motšeanong, 2016 li bile ka tsela e latelang:

- Litefiso tsa motlakase li nyolohile ka 12,2%, 12,3%, le 12,4% sebakeng sa mabone a seterateng, lifeme/likhoebo tse kholo le ho basebelisi ba motlakase oa malapeng ka tatellano, ho kenyeletsa chelete ea letlole la tlatsetso ea basebelisi le khokelo ea motlakase; le
- Litefiso tsa tlhokeho ea motlakase ea nako le nako li nyolohile ka 12,6% sebakeng sa lifeme/likhoebo tse kholo.

- Lipalo tsena ha li ea kenyeletsa 5% ea lekhetho la thekiso.

Litefiso tsa WASCO ho tloha ka la 01 'Mesa, 2016 li bile ka tsela e latelang:

- Litefiso tsa khoeli le khoeli tsa Mokhahlelo oa A eleng mokhahlelo oa pele oa basebelisi ba metsi oa malapeng li felisitsoe, 'me ho ananetsoe feela litefiso tsa bongata ba metsi a sebelisitsoeng;
- Ha ho na nyollo ea litefiso tsa khoeli le khoeli tsa basebelisi bohle ntle le mokhahlelo oa A sebakeng sa metsi oa malapeng; le
- Litefiso tsa bongata ba metsi a sebelisoang (ho kenyeletsa chelete ea letlole la tlatsetso la mosebelisi) le tsa litšebeliso tsa likhoere-khoere ka bobeli li nyollotsoe ka 8.7%.

Litefiso tse ananetsoeng li reretsoe ho etsa bonnete ba hore LEC le WASCO li ntlafatsa phano ea litšebeliso, e le ho thiba sekheo sa litjeo tsa tšebetso, litokiso tsa thepa, le ho fetola thepa e seng e tsofetse. Ho feta moo, har'a tse ling LEC e lokela ho fumana motlakase ho tsoa ho bafepeli ba baholo ba motlakase kahare le kantle ho naha, ha WASCO, e shebana le litjeo tsa li lik'hemik'hale le tsa ho pompa metsi.

Liqeto tsa litefiso ka botlalo le mabaka ao Lekhotla le neng le ipapisitse le 'ona ha le ne le beha litefiso li ka fumaneha liofising tsa LEWA kapa ho marang-rang a LEWA leqepheng la: http://www.lewa.org.ls/tariffs/Tariffs_Determinations.php □